



DET KONGELEGE
JUSTIS- OG BEREDSKAPSDEPARTEMENT

Kulturdepartementet
Postboks 8030 DEP
0030 OSLO

Dykkar ref.
14/90

Vår ref.
15/5145 - TJU

Dato
28.09.2015

Høyring - endringar i lovgjevinga om tilskot til trus- og livssynssamfunn utanom Den norske kyrkja som følgje av avviklinga av buplikta for prestane i Den norske kyrkja

Vi viser til brev 7. juli 2015 med vedlegg frå Kulturdepartementet.

Vi har følgjande merknader til saka:

Det bør ikkje heite i lova at det er «budsjettverknaden» av at buplikta for prestar i Den norske kyrkja no fell bort som ikkje skal reknast med i tilskotsgrunnlaget for tilskot til andre trussamfunn. Det er vanskeleg for utanforståande å skjøne samanhengen mellom «budsjettverknaden» og tilskotsgrunnlaget, og meininga blir uklar. Dessutan bør det gå fram av lova at det er bortfallet av buplikta som skapar behov for ekstra løyvingar til Den norske kyrkja. Når det gjeld dei «liknande tilfella» som er teke med i høyringsframlegget, finn vi at dette ikkje bør takast med i lova. Det kan ikkje seiast noko om når dette vil vera aktuelt, og heller ikkje er det gjort nærare greie for behovet.

På bakgrunn av dette ber vi Kulturdepartementet i staden vurdere følgjande formulering i lov om trdomssamfunn og ymist anna § 19 nytt andre ledd og lov om tilskot til livssynssamfunn § 2 nytt andre ledd:

«Løyvingar som kjem som ei følgje av at buplikta for prestar i Den norske kyrkja har falle bort, skal ikkje reknast med i tilskotsgrunnlaget etter første leddet.»

Med vennleg helsing

Harald Aass
fagdirektør

Toril Juul
seniorrådgjevar